

A galossà i quattrin,
Signore Magne.

Ma s' i voleisse

Fè coust mestè, ventria peui ch' i andeisse
Sovens a l' arsenal
Pr feve butè un gran
Ai vostri patapan,
Prchè da ste cocagne
I restrè sfogonà,
Signore Magne.

E così pieve

Ampò sta bela arseta ch' i veui deve,
Piantève un bon stopon,
Stopeve bin l' ussat,
Ai manca pa d' cornat,
Ventrà però ch' ij bagne
D' senevra e d' acqua fort,
Signore Magne.

Espressioni amorose di Bartolomeo
verso Caterina.

CANZONE VIII.

Catlinna mi t' lo giur,
E tenlo pr sigur,
Ch' i t' m' as robame 'l cheur;
I son tant carpionà,
E marca dla vrità,
Buca com' i desvenno,
Ch' i n' eu pi nen che 'l fià.
Coul viagi ch' i t' trover
Astà là su coul cher,
E ch' i t' eu date d' l' eui,
I son sta pià talment,

Pr ditlo francament,
 Ch' son sta senza parola
 Li tut ant un moment.
 I m' son senti arversè
 D'an testa fin ai pè
 Tut quant 'l sang ch' j avia,
 To sguard a m' ha alterà,
 E tant annamorà,
 Ch' a m' ha tut anfiame
 E 'l cheur, e la corà.
 Così pr dite 'l tut,
 L'è lo ch' i m' son ardut
 A fè coust viagiàt,
 E piè to sentiment
 Con coul dij teu parent,
 Pr fè le prometiure,
 Sens' aitrì compliment.
 Un paira d' bei orcin
 Con quatr vir d' dorin
 Mi t' eu portà d' argal;
 Buchie si ant un papè,
 Sta nen tant a pensè,
 A venta prest arsolve,
 S' i t' veule maridè.
 Oh Dio che gran stent
 A di to sentiment!
 E sastu neu parlè?
 Di su zichin zicat,
 E parla franc e nat
 S' i t' m' as an bona idea,
 O pur ant ij garat.
 E cosa tenstu fait?
 Astu già forsi dait
 Parola a quaich sfojor,
 Ch' a t' abia caparà?

Dis pura la vrità.
 Ohimi! i t' stas trop chieta,
 Da li m' na ven 'l fià.
 Almanch fame 'l piasi,
 E disme prest un sì,
 O disme dunna un no:
 Furnisla an santa pas,
 Cos' elo mai ch' i t' as
 A tnime su la corda,
 E mneme pr 'l nas?
 O via su disme almanch
 Prchè ch' i t' parle gnanch,
 Cos' astu ant 'l gabus?
 Avrastu forsi por
 Ch' i sia trist d' umor,
 O pur d' una famia
 Da fète disonor?
 Ma giuranon da doi!
 T' as bin l' umor ch' è croi,
 Son cose del malan;
 Veustu fè d' vantè mat
 To Brtromè Burat,
 Ch' per toa bela cera
 S' butria a ghisa d' gat?
 Via là t' as peui pro fait,
 A m' ven giu mai 'l lait,
 La landa l' è pro mnà;
 I son pa da lontan
 Vnu sì pr fè 'l bagian;
 T' m' smie una smorfionna,
 E un bel mostas da can.
 Da già ch' a l' è così,
 Mi t' lasso ampò 'l bondi,
 E vad a fè 'l fait me,
 Ma ti, testas d' massuch,

Ch' i t' stime gnanch 'n pluch
 To Brtromè, ch' rijria
 S' i t' steisse anstà s' un such !

Risposta di Caterina a Bartolomeo }
 sull' aria antecedente.

CANZONE IX.

Aspeta, Brtromè,
 Cos' astu pensà d' fè,
 D' voleime piantè li ?
 No, no, me cheurin bel,
 Achietta to servel;
 T' avras pa pr chiteme
 Un cheur cosi crudel.
 T' ses bin impassient,
 Dà temp ampò un moment,
 T' as pa i Franseis darè;
 Fin or t' as ciancià ti,
 Or lasme parlè mi;
 E veustu nen ch' i pensa
 A lo ch' i devo di ?
 Così me sentiment
 A l' è pa diferent
 Da coul ch' a sia 'l to;
 I t' m' as savù andurmi,
 E cosi bin cuji,
 Ch' i t' m' oblighe a doveite
 Pr forza di ch' d' si.
 D' long ch' i t' ai vist intrè,
 Mi t' peus assicurè
 Ch' i son restà ancantà